



Broj, 01-07-10-51-18/2024  
Sarajevo, 10.1.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Renate Radić-Dragić, [REDACTED], od 8.1.2024. godine, predsjednik Visokog sudskog i tužilačkog vijeća Bosne i Hercegovine donosi

## RJEŠENJE

**Odobrava se** pristup informacijama o zastari izvršenja krivičnog postupka nad N [REDACTED] J [REDACTED], kako slijedi:

- informaciji da li je Odjel za pravosudnu analitiku i izvještavanje Visokog sudskog i tužilačkog vijeća Bosne i Hercegovine dobio izvještaj o zastari krivičnog postupka u predmetu broj: 78 0 K 033198 20 K pred Osnovnim sudom u Prnjavoru;
- informaciji o poduzetim radnjama Ureda disciplinskog tužioca Visokog sudskog i tužilačkog vijeća Bosne i Hercegovine u vezi predmeta broj: 78 0 K 033198 20 K.

## Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 8.1.2024. godine zaprimilo zahtjev Renate Radić-Dragić, [REDACTED], (u daljem tekstu: podnositeljica zahtjeva) za pristup informacijama kojim se traže podaci o zastari krivičnog postupka nad N [REDACTED] J [REDACTED] optuženim za nesavjestan rad u službi pred Osnovnim sudom u Prnjavoru. Predmet kojim se odbija optužba donesena je 26.12.2023. godine broj: 78 0 K 033198 20 K pred Osnovnim sudom u Prnjavoru. Konkretno, tražene su informacije da li je Odjel za pravosudnu analitiku i izvještavanje VSTV-a BiH upoznat sa sadržajem izvještaja, da li je proveden postupak provjere, postoji li subjektivna odgovornost postupajućeg sudije za zastaru izvršenja sudske presude ili postupajućeg tužitelja, ukoliko nije proveden postupak provjere, zašto nije, ako jeste, da li je podignuta disciplinska tužba u ovom slučaju i ako jeste protiv koga je podnesena.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine.

U odnosu na izreku rješenja pod a), uvidom u službenu dokumentaciju, utvrđeno je da je Odjel za pravosudnu analitiku i izvještavanje izjašnjenje sudije o zastari broj 78 0 K 033198 20 K iz Osnovnog suda u Prnjavoru zaprimio 8.2.2023. godine.

U odnosu na izreku rješenja pod b), utvrđeno je da je Ured disciplinskog tužioca VSTV-a BiH u vezi sa predmetom Osnovnog suda u Prnjavoru broj 78 0 K 033198 20 K formirao predmet i isti je u radu. Odluka nije donesena.

Postupajući po zahtjevu podnositeljice, a u skladu sa svim gore navedenim, odlučeno je kao u dispozitivu ovog rješenja.

#### **Pouka o pravnom lijeku:**

Protiv ovog rješenja podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositeljica žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositeljici zahtjeva
2. Odjelu za pravosudnu analitiku i izvještavanje
3. Uredu disciplinskog tužioca
4. U spis